

**სახელმწიფო შესყიდვის შესახებ ხელშეკრულება №7**  
**პარკირების ადგილებით სარგებლობის უფლების მოპოვების შესახებ**

ქ. თბილისი

30 იანვარი 2019 წელი

ერთის მხრივ, სსიპ - საქართველოს ინტელექტუალური საკუთრების ეროვნული ცენტრი - „საქპატენტი“ (ს/კ 203831363), წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით (მოქმედი სსიპ „საქპატენტის“ თავმჯდომარის 2013 წლის 03 იანვრის №04 ბრძანებით მინიჭებული უფლებამოსილების საფუძველზე), (შემდგომში - „შემსყიდველი“) და მეორეს მხრივ, შპს „თბილისის სატრანსპორტო კომპანია“ (ს/კ 202886788), წარმოდგენილი იურიდიული სამსახურის ადმინისტრაციულ სამართალდარღვევათა საქმისწარმოების განყოფილების უფროსის - თეიმურაზ რაზმაძე სახით რომელიც მოქმედებს გენერალური დირექტორის 2018 წლის 27 აპრილის №80 ბრძანების საფუძველზე (შემდგომში - „მიმწოდებელი“), თანახმად „შეზღუდული პასუხისმგებლობის საზოგადოება „თბილისის მეტროს“ საფირმო სახელწოდების შეცვლისა და კომპანიის წესდებაში შესაბამისი ცვლილების შეტანის შესახებ“ ქ. თბილისის მთავრობის 2009 წლის 24 ივნისის №16.26.565 დადგენილებით დამტკიცებული შპს „თბილისის სატრანსპორტო კომპანიის“ წესდებითა და „ქალაქ თბილისის ადმინისტრაციულ საზღვრებში სატრანსპორტო საშუალებების პარკირების რეგულირების წესისა და პარკირების საფასურის დადგენის შესახებ“ ქალაქ თბილისის მუნიციპალიტეტის საკრებულოს 2016 წლის 27 დეკემბრის №33-99 დადგენილების საფუძველზე, ვდებთ წინამდებარე ხელშეკრულებას შემდეგზე (გამარტივებული შესყიდვის საშუალებით სახელმწიფო შესყიდვების შესახებ საქართველოს კანონის მე-10<sup>1</sup> მუხლის მე-3 პუნქტის „ზ“ ქვეპუნქტის საფუძველზე):

**1. ხელშეკრულების საგანი**

1. ხელშეკრულების საგანს წარმოადგენს ხელშეკრულების დანართი №1-ით განსაზღვრული შემსყიდველის კუთვნილი ავტოსატრანსპორტო საშუალებებისთვის დედაქალაქის ტერიტორიაზე, ქალაქ თბილისის მუნიციპალიტეტის მიერ სპეციალურად გამოყოფილ პარკირების ადგილებით 1 (ერთი) წლის ვადით სარგებლობის უფლების მოპოვება (CPV კოდი: 63712400).
2. პარკირების უფლება წარმოიშობა შემსყიდველის მიერ პარკირების საფასურის გადახდის მომენტიდან და მოქმედებს 1 (ერთი) წლის (გადახდის მომენტიდან, სარგებლობის უფლების ვადის ამოწურვამდე) განმავლობაში.

**2. ხელშეკრულების საერთო ღირებულება და ანგარიშსწორება**

- 2.1 ხელშეკრულების ღირებულება შეადგენს 50 (ორმოცდაათი) ლარს (დღგ-ის ჩათვლით).
- 2.2 ერთი ავტოსატრანსპორტო საშუალებისათვის პარკირების საფასური, 1 (ერთი) წლის განმავლობაში შეადგენს 50 (ორმოცდაათი) ლარს (დღგ-ის ჩათვლით).
- 2.3 პარკირების საფასურის გადახდა ხორციელდება წინასწარი ანაზღაურების წესით, ხელშეკრულების დანართი №1-ში მითითებულ ავტოსატრანსპორტო საშუალებებზე ერთჯერადი გადახდით, უნაღდო ანგარიშსწორებით, მიმწოდებლის ქვემოთ მითითებულ საბანკო ანგარიშზე თანხის ჩარიცხვის გზით.
- 2.4 შემსყიდველის მოთხოვნის საფუძველზე მიმწოდებლის მიერ განხორციელდება ანგარიშ-ფაქტურის გამოწერა.
- 2.5 სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მე-12 მუხლის 3<sup>1</sup> და მე-10 მუხლის მე-5 პუნქტის „დ“ ქვეპუნქტის გათვალისწინებით, მიმწოდებელი გათავისუფლებულია წინასწარი ანგარიშსწორებისას გადასახდელი თანხის შესაბამისი ოდენობის გარანტიის წარდგენისგან.

**3. მხარეთა უფლება-მოვალეობანი**

- 3.1 მხარეები უფლებამოსილნი არიან მოსთხოვონ ერთმანეთს ხელშეკრულების ჯეროვანი, დროული და კეთილსინდისიერი შესრულება.
- 3.2 მხარეები ვალდებული არიან დაიცვან ხელშეკრულებით გათვალისწინებული პირობები.
- 3.3 დანართი №1-ით განსაზღვრულ სატრანსპორტო საშუალებებზე მონაცემების შეცვლის შემთხვევაში შემსყიდველი უფლებამოსილია წერილობით 5 (ხუთი) სამუშაო დღით ადრე მოითხოვოს პარკირების საფასურის გადატანა.



3.4 მიმწოდებელი ვალდებულია 3.3 პუნქტით გათვალისწინებული მოთხოვნის საფუძველზე განახორციელოს შესაბამისი ცვლილება.

#### 4. მხარეთა პასუხისმგებლობა ხელშეკრულების დარღვევისას

- 4.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 4.2 მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.
- 4.3 შემსყიდველის მიერ პარკირების საფასურის გადახდის გარეშე პარკირების ადგილებით სარგებლობა გამოიწვევს საქართველოს ადმინისტრაციულ სამართალდარღვევათა კოდექსით გათვალისწინებულ პასუხისმგებლობას.

#### 5. ხელშეკრულების მოქმედების ვადა

ხელშეკრულება ძალაში შედის მხარეთა მიერ ხელის მოწერის დღიდან და მოქმედებს 2020 წლის 20 მარტის ჩათვლით.

#### 6. დავები და მათი გადაწყვეტის წესი

- 6.1 ხელშეკრულების შესრულების პროცესში მხარეთა შორის წამოჭრილი დავები შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 6.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

#### 7. სხვა პირობები

- 7.1 ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 7.2 ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 7.3 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.
- 7.4 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება მხარეებთან.

#### 8. მხარეთა იურიდიული მისამართები და რეკვიზიტები

მიმწოდებელი:

შემსყიდველი:

|                                                                                                                                                                                                                                                                                                                                                                                                                    |                                                                                                                                                                                                                                                                                                                                                                                                                              |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>შპს „თბილისის სატრანსპორტო კომპანია“<br/>იურიდიული სამსახურის ადმინისტრაციულ<br/>სამართალდარღვევათა საქმისწარმოების<br/>განყოფილების უფროსი</p> <p>თეიმურაზ რაზმაძე</p> <p>საიდენტიფიკაციო ნომერი: 202886788<br/>იურიდ. მის: ქ. თბილისი, ვაგზლის მოედანი №2<br/>ტელ: (995 32) 2 35 77 77 (1190)<br/>ელ. ფოსტა: info@metro.ge<br/>სს თბილისი ბანკი<br/>ა/ა GE33TB7931834070100002<br/>ბანკის კოდი: TBCBGE22.</p> | <p>სსიპ საქართველოს ინტელექტუალური საკუთ-<br/>რების ეროვნული ცენტრი „საქპატენტი“<br/>საფინანსო დეპარტამენტის უფროსი</p> <p>ვლადიმერ სიხარულიძე</p> <p>მისამართი: ქ. მცხეთა, ანტიოქიის ქ. №5<br/>საიდენტიფიკაციო კოდი: 203831363<br/>საბანკო რეკვიზიტები:<br/>მიმღების ბანკი: სახელმწიფო ხაზინა<br/>მიმღების დასახელება: ხაზინის ერთიანი ანგარიში<br/>ბანკის კოდი: TRESGE22<br/>სახაზინო კოდი/ანგარიშის ნომერი: 707807132</p> |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

მიმწოდებლის ხელმოწერა:

შემსყიდველის ხელმოწერა:

დანართი №1

ავტოსატრანსპორტო საშუალებების სია

| № | ავტოსატრანსპორტო საშუალებების მარკა და მოდელი | სახელმწიფო ნომერი, შიდა ტრანზიტი, ტრანზიტული ნომერი ან „TEST“ ნომერი |
|---|-----------------------------------------------|----------------------------------------------------------------------|
| 1 | Hyundai IX 35                                 | VWW-620                                                              |

მიმწოდებლის ხელმოწერა:

შემსყიდველის ხელმოწერა:

